



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

XC. De confirmatione Privilegiorum Canonorum Metropolitanæ Lucen.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

mentionem dignis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis Clausulis, & Decretis, etiam motu, scientia, & potestatis plenitudine similibus, ac consistorialiter, & alias quomodolibet in contrarium præmissorum concessis, editis, factis, ac pluries iteratis, & quantumque vicibus approbatis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata infererentur, & exprimerentur, iidem præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hæc vice dumtaxat specialiter, & expresse derogamus, & derogatum esse volumus, cæterisque contrariis quibuscumque.

§. 8. Volumus autem, ut eorundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Dignitate Ecclesiastica constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XIX. Februarii MDCXXVI. Pontificatus Nostri Anno Secundo.

XC. Confirmantur & ampliantur quædam privilegia Canonorum Metropolitanæ Lucen. quoad Insignia.

Alia hujus Constitut. ed. 1725. Maji 8. P. 1. concessus fuit usus Mitræ aliorumque insignium Canonici Metropolitanæ Capuanæ.

Dat. 15. Feb. 1726. An. 2.

BENEDICTUS EPISCOPUS,

Servus Servorum Dei. Ad perpetuam rei memoriam.

Exordium.

Romanus Pontifex in supremo Apostolica potestatis Throno, disponente Domino, super Universas Orbis Ecclesias constitutus, ad illas præsertim suæ indefessæ mentis aciem convertit, ut Divinus Cultus in eis, ut par est, in dies suscipiat incrementum, Ecclesiarumque ipsarum Majestas magis elucescat, singulari suæ benignitatis Clementia, quantum sibi ex Alto conceditur, Personam in eis Altissimo famulantium speciosioribus ornamentis, & honorum titulis decorare, atque illustrare consuevit, aliarum disponit, prout Ecclesiarum, & Personarum eorundem qualitate pensata, conspiciit in Domino salubriter expedire.

§. 1. Cum itaque, sicut accepimus, alias Ecclesiam Lucanam, quæ singularibus insignita prerogativis, & conspicuis ornamentis, & honorum titulis decorare præfulget felicis record. Julius Papa III. Prædecessor noster, extendendo, & ampliando literas Apostolicas Lucii III., Alexandri etiam III., ac Martini V. Romanorum Pontificum Prædecessorum nostrorum, in quibus Prædecessores hujusmodi, quod tunc existentes Capitulum, & Canonici præfata Ecclesiæ Lucanæ, eorumque Successores in certis tunc expressis anni solemnitatibus pluvialibus induti, dum Divinis inservirent, Mitram albam sericeam ad instar Venerabilium Fratrum nostro-

rum Sanctæ Romanæ Ecclesiæ Cardinalium consistere possent respective concesserant, quampluribus aliis Privilegiis, & gratis decoraverit, & inter alia eisdem Capitulo, & Canonicis, quod ipsi Capitulum, etiam in Paschatis Resurrectionis Dominicæ, ac Pentecostes, & Nativitatis Domini Nostri Jesu Christi, Omniumque Sanctorum, ac singulis Beatæ Mariæ Virginis respective Festis diebus, seu quoties eos processionaliter, aut Capitulariter, vel ad aliquas Ecclesias Civitatis Lucanæ in quibusdam Ecclesiarum ipsarum solemnibus, prout moris est, accedere, sive in dicta Ecclesia Lucana festa duplici, & Sanctorum Corporum in illa degentium solemnibus per eos celebrari, seu unum eorum, per quem Missa decantari, aut in celebratione Vesperarum Pluviale induere contigisset ad eorum libitum, ac modis, & formis per præfatos Prædecessores, seu alterum eorum concessis, seu alias prout dictis Capitulo, & Canonicis expediens, & condecens esse visum fuisset, eadem Mitra uti libere, & licite possent, & valeret Apostolica auctoritate perpetuo per alias eisdem Julii Prædecessoris literas Apostolicas etiam concesserit, & indulerit, ac alias prout in singulis literis hujusmodi desuper tunc concessis plenius continetur.

§. 2. Nos, qui Ecclesiarum omnium præsertim Cathedralium Privilegia, ad hoc ut Divini cultus illis decentius, & honorificentius peragatur facta recta persistere, quin imo illa augere concupiscimus, attendentes ejusdem Ecclesiæ Lucanæ conspiciatatem, ac dictæ Ecclesiæ Lucanæ illiusque Capituli, & Canonicorum præfatorum decori consulere, ac eisdem Capitulum, & Canonicos amplioris gratiæ favore prosequi volentes, ipsosque, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequen. harum serie absolventes, & absolutos fore censentes, Motu proprio non ad eorum, vel aliquorum super hoc pro eorum parte Nobis oblata petitionis instantiam, sed ex certa scientia, meraque deliberatione, ac liberalitate nostris, deque Apostolica potestatis plenitudine concessiones, & indulta favore Capituli, & Canonicorum, per præfatos Prædecessores, ut præfertur, emanatas, & emanata, & super illis eorundem Prædecessorum desuper, ut præfertur expeditas literas illarum tenores etiam anteriores præsentibus pro plene, & sufficienter, ac de verbo ad verbum expressis habentes Apostolica auctoritate præfata etiam perpetuo confirmamus, & approbamus, omnesque, & singulos tam juris, quam facti defectus, si qui desuper in Concessionum, & Indultorum hujusmodi obtentu forsitan quomodolibet intervenerint Apostolica auctoritate præfata plenarie supplemus, illisque inviolabilis Apostolicæ firmitatis robar adjicimus;

§. 3. Ac insuper concessiones, & indulta hujusmodi per Nos, ut præfertur, confirmatas, & approbatas, ac confirmata, & approbata in præfatis Prædecessorum hujusmodi literis, ut præfertur, expressas, & expressa pro præfatis Capitulo, & Canonicis, videlicet, quod post Pontificalem Majorem, ac Secundam, Tertiam, ac Quartam in præfata Ecclesia Lucana dignitates respective obtinentes, ac omnes, & singuli Canonici ejusdem Ecclesiæ Lucanæ, etiam nunc, & pro tempore existentes de cætero perpetuo futuris temporibus in præfatis anni festivitibus, & aliis temporibus, ac Ecclesiasticis functionibus, in præfatis literis Prædecessorum hujusmodi expressis, etiam absente Episcopo, usu omnium Pontificalium, ac omnibus insignibus Ab-

Confirmatio Motu proprio facta prædicti insulæti.

Ampliatio præd. privilegii ad omnia insignia Abbatum ulum Mitræ, & Baculi habentium.

Canonici prædicti ulum Mitræ ad instar S. R. E. Cardinalium Jampridem concessus fuerat.

batalibus, ac Cruce, Annulo, & Baculo, aliisque Paramentis, & Indumentis, ad instar Abbatum usum Mitræ, & Baculi habentium, gaudere, necnon in suis Armis, & Insigniis Mitram, & Baculum apponi facere, & addere, necnon Populum, inter Missarum, & Divinorum Officiorum hujusmodi, aliarumque Ecclesiasticarum functionum præfatarum solemnia, de consensu tamen Ordinarii, benedicere, prout dicti Abbates, usum Mitræ, & Baculi habentes, supra Populum solemnem Benedictionem impertiri solent, libere, & licite possint, & valeant, seu quilibet eorum possit, & valeat, dicta Apostolica auctoritate etiam perpetuo extendimus, & ampliamus, & quatenus opus sit, præmissa omnia de novo concedimus, & indulgemus.

Clausule
robur confir-
mationi ad-
dentes.

§. 4. Ac facultatem, & licentiam desuper impertitur, ac Capitulum, Dignitates, & Canonicos præfatos, eorumque Successores super concessione hujusmodi per quæcumque Capitula quarumcumque aliarum Ecclesiarum Patriarchalium, Archiepiscopalium, vel Præmortalium, & Episcopialium, & qualvis personas quavis auctoritate, dignitate, & præminencia præditas, quovis prætextu, colore, vel ingenio publice, vel occulte, directe, vel indirecte impediri, molestari, inquietari, vel perturbari nullatenus posse, neque debere, præsentis quoque semper, & perpetuo validas, & efficaces esse, & fore, suosque plenarios, & integros effectus sortiri, & obtinere, ac ab omnibus, & singulis ad quos quomodolibet nunc spectat, & spectabit in futurum firmiter, & inviolabiliter observari debere, ac nullo unquam tempore, ex quocumque capite, vel qualibet causa, quantumvis legitima, & juridica, etiam ex eo, quod Capitula Cathedralium, & Collegiarum Ecclesiarum quarumlibet, earumque dignitates, & Canonici, vel quilibet alii cujuscumque dignitatis, ordinis, gradus, conditionis, & præminencie sint in præmissis, & circa ea quomodolibet, & ex quavis causa, ratione, actione, vel occasione jus, vel interesse habentes, vel habere prætendentes illis non conferant, nec ad ea vocati, citati, & audiri fuerint, vel imo contradicendi sint, de subreptione, vel obreptione, aut nullitate, seu invaliditatis vicio, vel intentionis nostra, aut quolibet alio quantumvis magno, substantiali, inexcogitato, inexcogitabili, ac specificam, & indivisibilem mentionem, & expressionem requirente defectu, aut ex quocumque alio capite a jure, vel facto, aut statuto, vel consuetudine aliqua resultante, aut quocumque alio colore, prætextu, ratione, vel causa, etiam in corpore Juris clausa, occasione, aliave causa etiam quantumvis iusta, rationabili, legitima, juridica, pia, privilegiata, etiam tali, quæ ad effectum validitatis præmissorum necessario exprimenda forent, aut quod de voluntate nostra, & aliis superius expressis nullibi appareret, seu alias probari posset notari, invalidari, retractari, in Jus, vel controversiam revocari, aut ad terminos Juris reduci, vel adversus illas restitutionis in integrum, aperiitionis oris, reductionis ad viam, & terminos Juris, aut aliud quodcumque Juris, facti, gratiæ, vel justitiæ remedium impetrari, seu quomodolibet etiam Motu simili concessio, aut impetratio, vel emanato uti, seu se juvare in Judicio, vel extra posse, neque ipsas præsentis, sub quibuscumque similibus, vel dissimilibus gratiarum revocationibus, suspensionibus, limitationibus, modificationibus, derogationibus, aliisque contrariis dispositionibus, etiam per Nos, & Successores nostros Romanos Pontifices pro tempore existentes, & Sedem Apostolicam, etiam Motu pari, & consistorialiter, ex quibuslibet causis, & sub quibusvis

verborum tenoribus, & formis, ac cum quibusvis clausulis, & Decretis, etiam de eisdem præsentibus, earumque toto tenore, ac data specialis mentio fiat pro tempore factis, & faciendis, ac concessis, & concedendis comprehendendi, sed tamquam ad majus Divini cultus augmentum tendentes omnino ab illis excipi, & quoties illæ emanabunt, toties in pristinum statum restitutas, repositas, & plenarie reintegratas, ac de novo etiam sub quacumque posteriori data per nunc, & pro tempore existentes dictæ Ecclesiæ Lucanæ Capitulum, Dignitates, & Canonicos præfatos quodcumque eligenda concessas esse, & fore: Sicque, & non alias per quoscumque Judices ordinarios, & Delegatos, etiam Causarum Palatii Apostolici Auditores, ac præfate S. R. E. Cardinales, etiam de Latere Legatos, Vice-Legatos, dictæque Sedis Nuncios, aliosque quoscumque quavis auctoritate, potestate, prærogativa, & privilegio fungentes, ac honore, & præminencia fulgentes, sublata eis, & eorum cuilibet quavis aliter judicandi, & interpretandi facultate, & auctoritate in quocumque Judicio, & in quacumque Instantia judicari, & definiri debere; irritumque, & inane, si secus super his a quoquam quavis auctoritate scienter, vel ignoranter contigerit attentari, dicta Apostolica auctoritate decernimus.

§. 5. Quocirca Vener. Fratri nostro Episcopo Lucano Motu simili per Apostolica scripta mandamus, quatenus ipse per se, vel alium eisdem præsentis, & in eis contenta quæcumque ubi, & quando opus fuerit, ac quoties pro parte nunc, & pro tempore existentium præfatorum Capituli, Dignitarum, & Canonicorum dictæ Ecclesiæ Lucanæ fuerit requisitus solemniter publicans, eisque in præmissis efficacis defensionis auxilio assistens faciat auctoritate nostra illa omnia integraliter, & inviolabiliter observari, ac nunc, & pro tempore existentes Capitulum, Dignitates, & Canonicos præfatos indulto, coactione, approbatione, defectuum suppletionem, roboris adjectionem, extensionem, & ampliationem, ac novis concessione, & indulto, licentiæ, & facultatis impartitione, ac decreto aliisque præmissis pacifice frui, & gaudere juxta earundem præsentium continentiam, & tenorem, non permittens quemquam eorum per quoscumque desuper quomodolibet molestari, impediri, vel perturbari; Contra dictores quoslibet, & rebelles per censuras, & pœnas Ecclesiasticas, ceteraque juris, & facti remedia opportuna, appellatione postposita, compescendo, legitimisque desuper his habendis servatis processibus censuras, & pœnas ipsas, etiam sæpius, & quoties, expediens videbitur aggravando, & reaggravando, servata tamen forma Concilii Tridentini, invocato etiam ad hoc, si opus fuerit, auxilio Brachii sæcularis.

§. 6. Non obstantibus quibusvis legibus, statutis, consuetudinibus, & prohibitionibus, si quæ forsitan adint de gratis ad instar non concedendis, ac etiam in Synodalibus, Provincialibus, generalibus, universalibusque Conciliis editis, & edendis specialibus, vel generalibus Constitutionibus, & Ordinationibus Apostolicis, ac dictæ Ecclesiæ Lucanæ, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis quibusvis personis quomodolibet concessis, approbatis, & innovatis. Quibus omnibus, & singulis, etiam de illis, eorumque totis, & singulis tenoribus, ac de verbo ad verbum, non autem per clausulas generales idem importantes habenda sit in nostris literis mentio specialis, illorum tenores, præsentibus pro expressis habentes, illis alias in eorum robore permanens hac vice dumtaxat specialiter, & expresse motu

Committitur Episcopo
Lucano exequitio præ-
dictorum.

Clausulae ge-
nerales.

pari derogamus, ceterisque contrariis quibuscumque. Aut si aliquibus communiter, aut divisim ab eadem sit Sede indultum, quod interdicti, suspendi, vel excommunicari non possint, per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§. 7. Nulli ergo omnino hominum liceat hanc paginam nostræ Absolutionis, Confirmationis, Approbationis, defectuum Suppletionis, Roboris, Adjectionis, Extensionis, & Ampliationis, ac novorum Concessionis, & Indulti, licentia, & facultatis impartitionis, Decreti, Mandati, ac derogationis infringere, vel ei ausu temerario contraire. Si quis autem hoc attentare presumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Petrum Anno Incarnationis Dominicæ Millesimo septingentesimo vigesimo sexto, quinto decimo Kalen. Martii, Pontificatus nostri Anno Secundo.

Sanctio
pœnalis.

XCI.

Supprimitur Ecclesia Parochialis B. Gregorii ad Pontem 4. Capitem de Urbe; ejusque fructus, & jura uniantur Ecclesiæ B. Angeli in Foro Piscium; ipsaque Ecclesia Congreg. Divinæ Pietatis adsignatur.

Alia hujus Constit. ed. 1729. Mart. 26. P. 5. reintegratur Ecclesia S. Eustachii Urbis in possessionem Cappellæ S. Michaelis cum revocatione concessionis Collegio Procuratorum Urbis alias factæ.

Dat. 17. Febr.
1726. An. 2.

BENEDICTUS EPISCOPUS

Servus Servorum Dei. Ad perpetuam rei memoriam.

Procemium.

EX debito Pastoralis officii nostri sedulo vigilare nos convenit, ne ob rerum temporalium inopiam Divinus cultus minuat, in iis præcipue, qui curam animarum exercent.

§. 1. Nuper enim Parochialem Ecclesiam Beati Gregorii de Urbe ad Pontem quatuor Capitem nuncupatam, Nos ipsi visitantes, haud modica animi nostri perturbatione eam deprehendimus in deplorabili statu positam, Sacra suppellectile, aliique Divino cultui rite peragendo necessariis ornamentis destitutam, dilectumque filium Decium Felicem Vasthi modernum illius Rectorem, & Possessorem, ætate gravem, & congruis redditibus carentem tanto oneri plane imparem. Quare animarum curæ ea, qua par est, vigilantia per deputationem idonei Vicarii, sive Œconomi sollicitè consulendum curavimus, donec aliter pro tutiori animarum salute opportune provideremus.

§. 2. Itaque nobiscum seria meditatione cogitantes, quod si Parochialis Ecclesia prædicta, quæ, ut præfertur, tenuis redditus, & angusta, ac Sæcularis, & Collegiata Ecclesiæ B. Anastasie pariter de Urbe, filialis est, perpetuo supprimeretur, & omnino extingueretur, prorsus dismembrata, & separata ab hujusmodi Parochiali Ecclesia Animarum cura, sicque abdicata, & separata ad aliam ex vicinioribus Ecclesiis juxta providam Tridentini Concilii dispositionem transferretur, procul dubio inconvenientia hujusmodi magno Parochianorum bono tolleretur, & animarum cura nullatenus frigeret; in hanc deliberationem maturo consilio devenimus, ut jam dictam Parochialem Ecclesiam Beati Gregorii supprimeremus, & extingueremus, cujus fructus, & illi forsan annexorum, redditus, & proventus, etiam cum incertis, annum valo-

rem, septuaginta ducatorum auri de Camera secundum communem estimationem, ut accipimus non excedunt. Dictis ergo aliisque justis de causis Nobis optime notis, animumque nostrum moventibus, Motu proprio, & ex certa scientia, deque Apostolica potestatis plenitudine eandem Parochialem Ecclesiam B. Gregorii, ejusque titulum collativum, ac denominationem, essentiam, & statum Parochialem tenore præsentium perpetuo supprimimus, & extinguiamus, ac eam una cum illius titulo, & denominatione, essentia, & statu hujusmodi perpetuo suppressam, & extinctam fore, & esse decernimus, & declaramus, ac omnimoda animarum illius Parochianorum curam, aliaque jura, officia, & onera Parochialia universa, & illorum exercitium a dicta Parochiali Ecclesia B. Gregorii per nos, ut præfertur, suppressa, & extincta, itaut dictus Decius Felix (quem dicta Parochiali Ecclesia Beati Gregorii per Nos ut præfertur, suppressa, & extincta perpetuo privamus, ac privatum esse decernimus, & declaramus) illa deinceps exercere, aut se quomodolibet in illius res temporales, & spirituales intromittere nullatenus debeat, motu, scientia, & potestatis plenitudine similibus perpetuo abdicamus, & abdicatum esse volumus, decernimus, & declaramus, ejusdemque Parochialis Ecclesiæ Beati Gregorii, per Nos, ut præfertur, suppressæ, & extinctæ bona, Domos, earumque pensiones, proprietates, Canones, pretaticum Hebræorum, fructus quoque, redditus, & proventus, jura, obventiones, & emolumenta quæcumque, ad dictam Parochialem Ecclesiam Beati Gregorii, ut præfertur, suppressam, & extinctam quomodolibet, & qualitercumque spectantia, & undecumque, etiam ex præfato exercitio curæ Animarum provenientia, quæque ratione Parochiæ, & Jurium Parochialium hujusmodi in futurum spectare, & obvenire poterunt, auctoritate, & tenore prædictis, etiam perpetuo separamus, & dismembramus, ac illa omnia, & singula sic abdicata, & separata, omnesque ejus Parochianos utriusque sexus ad Vicariam perpetuam, cui cura animarum incumbit, dilectorum etiam filiorum Parochianorum Sæcularis, & Collegiata Ecclesiæ Beati Angeli in Foro Piscium, pariter nuncupatæ de Urbe, qua vicina, & contigua, ac etiam Parochialis, & Baptismalis est, similiter perpetuo transferimus, itaut Parochialis Ecclesiæ Beati Gregorii per Nos ut præfertur, suppressæ, & extinctæ Parochiani hujusmodi ad dictam Collegiatam, & Parochialem Ecclesiam Beati Angeli pro Ecclesiasticis Sacramentis recipiendis, Missisque, & aliis Divinis Officiis audiendis deinceps accedere, ac infra scripto Vicario jura Parochialia solvere; & Vicarius perpetuus dictæ Collegiata, & Parochialis Ecclesiæ Beati Angeli in Foro Piscium hujusmodi, nunc, & pro tempore existens Curam Animarum Parochianorum hujusmodi exercere, ac illis Sacramenta administrare, ceteraque officia, & munera Parochialia dictæ Parochialis Ecclesiæ Beati Gregorii sic, ut præfertur, suppressæ, & extinctæ, subire, & supportare, respective, possit, & debeat, ac etiam teneatur; eidemque Vicariæ Beati Angeli in Foro Piscium hujusmodi omnia, & singula dictæ Parochialis Ecclesiæ Beati Gregorii, per Nos, ut præfertur, suppressæ, & extinctæ bona, Domos, illarumque pensiones, Canones, pretaticum, census, responiones, fructus, redditus, proventus, obventiones, & emolumenta quæcumque præsentia, & futura, tam certa, quam incerta, majora, & minora, etiam ratione Stola, exercitii Curæ Animarum, administrationis Sacramentorum, ac Se-

Suspensio
prædictæ Ec-
clesiæ ejus-
que fructus,
& jura Eccl-
siæ Sancti
Angeli in fo-
ro piscium
uniuntur.

Causæ im-
pellentes
Pontificem.